



FARG‘ONA VILOYATI FARG‘ONA TUMANI HOKIMINING QARORI

2025-yil 29-aprel

106-11-163-Q/25

Farg‘ona tumani hokimligi

Farg‘ona tumanida 2025-yil uchun qabristonlarda dafn etish xizmatlarini ko‘rsatish bo‘yicha tariflar miqdorini tasdiqlash to‘g‘risida

O‘zbekiston Respublikasining “Dafn etish va dafn ishi to‘g‘risida”gi Qonuni, O‘zbekiston Respublikasi Vazirlar Mahkamasining “Dafn etish va dafn ishi to‘g‘risida”gi O‘zbekiston Respublikasi Qonunini amalga oshirish chora-tadbirlari haqida” 2011-yil 4-apreldagi 101-son qarori bilan tasdiqlangan nizomga muvofiq hamda O‘zbekiston Respublikasining “Mahalliy davlat hokimiyati to‘g‘risida”gi Qonunining 6, 25-moddasiga asosan,

Q A R O R Q I L A M A N:

1. Farg‘ona tumanidagi qabristonlarda dafn etish xizmatlarini ko‘rsatish bo‘yicha tariflar miqdori ilovaga muvofiq tasdiqlansin.

2. Tuman hokimi o‘rinbosari (M.Qodirxonov), Obodonlashtirish boshqarmasi (T.Isaqov)larga:

fuqarolarning o‘zini-o‘zi boshqarish organlari bilan hamkorlikda qabristonlarni zarur darajada saqlash va obodonlashtirish hamda hasharlar, xotirlash kunlari va boshqa tadbirlarni tashkil etish;

sanitariya qoidalarini va me‘yorlariga qat’iyan rioya etgan holda qabristonlarni ochish va yopishda qonuniylik ta‘minlasin, qabristonlar tashkil etish uchun yer uchastkasi ajratishni “Yer to‘g‘risida”gi qonun hujjatlariga muvofiq amalga oshirilsin.

3. Tuman Obodonlashtirish boshqarmasi (T.Isaqov)ga:

xizmatlar uchun qat’iyan belgilangan tariflar bo‘yicha hisob-kitob qilgan holda fuqarolarning qabristonda ko‘rsatiladigan xizmatlarga doir buyurtmalarini o‘z vaqtida va sifatli bajarilishini;

qabristonlarda byustlar, haykaltaroshlik yodgorliklari yoki alohida arxitektura shakliga ega bo‘lgan inshootlarni o‘rnatish, obyektlarni saqlash va ulardan foydalanish qoidalariga rioya etilishini ta‘minlasin.

4. Belgilansinki, mazkur qaror “Vodil yog‘dusi” gazetasida rasmiy e‘lon qilinsin hamda tuman hokimligining veb-saytiga joylashtirilsin.

5. Mazkur qaror ijrosini nazorat qilish tuman hokimining o‘rinbosari M.Qodirxonov zimmasiga yuklatilsin.

**Farg‘ona tuman
hokimi**



**INOMOV
XAMIDULLO.TADJIYEVICH**

Fargʻona tumani hokimining
2025-yil 29-apreldagi
106-11-163-Q/25-son qaroriga
1-ilova

**Fargʻona tumanida 2025-yil uchun qabristonlarda dafn etish xizmatlarini koʻrsatish
boʻyicha tariflar miqdori**

T\r	Xizmat turi	Oʻlchov birligi	Bazaviy hisoblash miqdoriga nisbatan hisoblanadi
1.	Qabr uchun (diniy mansubligidan qatʼiy nazar katta oʻlchamda)	1 oʻringa	50%
2.	Qabr uchun (diniy mansubligidan qatʼiy nazar kichik oʻlchamda)	1 oʻringa	40%
3.	Tegishli diniy konfessiya qabristonida vafot etgan yaqinlari va qarindoshlarini dafn etish uchun uchastka olish	1 oʻringa	bepul
4.	Qabr uchun (diniy mansubligidan qatʼiy nazar 3 yoshgacha)	1 oʻringa	bepul
5.	Marosim xizmatlaridan foydalanish	1 kunga	bepul
6.	Qabrga va qabr usti yodgorliklariga qarash uchun qabriston anjomlaridan foydalanish	1 oʻrin/kunga	bepul